

# Rahab Followim Olketa Instruction

JOSHUA CHAPTER 2 AND 6

JOSHUA SENDEM TUFALA SPAE FOR GO LUKIM JERICHO, WANFALA TAON WEA JEHOVAH TALEM OLKETA ISRAELITE FOR ATTACKIM.

RAHAB,  
EVRIWAN LONG TAON  
STORY ABAOTEM OLKETA  
ISRAELITE. OLKETA SAVVE  
ATTAKIM IUMI  
ENITAEM!

NO WARI MAMI.  
BAE IUMI OLRAET  
NOMOA . . .  
MI HOPE.

TUFALA ISRAELITE SPAE GO  
LONG HAOS BILONG RAHAB.


THANKIU  
TUMAS FOR  
DISFALA KAIKAI. BAE  
MIFALA LUSIM HAOS LONG  
EARLY MORNING  
TUMORO.

RAHAB!  
TEKEM KAM OLKETA  
MAN! OLKETA KAM FOR  
SPAEM LAND BILONG  
IUMI.

KAM  
FOLLOWIM  
MI



RAHAB HAEDEM TUFALA SPAE ANDANIT LONG  
OLKETA GRASS WEA HEM DRAEM ANTAP LONG RUF.



IA,  
TUFALA KAM  
LONG MI, BAT TUFALA  
GO FROM HIA. MI NO  
SAVVE WEA NAO  
TUFALA GO.

SAPOS IUFALA  
GO DISTAEM, BAE  
IUFALA KASEM  
OLKETA.



OLKETA GO  
FINIS.



GOD  
BILONG IUFALA,  
JEHOVAH, **HEM** GOD WEA  
RUL OVAREM EVRI  
SAMTING LONG HEVEN  
AND LONG  
EARTH.

SO PLIS,  
PROMIS LONG JEHOVAH  
IU BAE **SEVEM MI AND FAMILI**  
**BILONG MI** TAEM IUFALA  
KAM FOR ATTAKIM  
JERICHO.



SAPOS IU  
**NO TALEM ENIWAN**  
ABAOTEM GOGO BILONG  
MIFALA, BAE MIFALA  
SEVEM IU AND FAMILI  
BILONG IU.



AND IUFALA  
MAS **NO GO AOT FROM**  
HAOS BILONG IUFALA AND  
IUFALA MAS **HANGEM**  
**WANFALA RED ROPE** TU  
LONG WINDOW.






OLKETA ISRAELITE **MARCH** RAONEM JERICO WANFALA TAEM EACH DAY FOR SIXFALA DAY. LONG MEK-SEVEN DAY, OLKETA MARCH RAONEM JERICO **SEVENFALA** TAEM.



TAEM OLKETA PRIEST BLOWIM OLKETA HORN AND OLKETA PIPOI SINGAOT BIG, **WALL RAONEM JERICO HEM FOLDAON** NAO, AND OLKETA ISRAELITE **TEKOVAREM** JERICO.



RAHAB, IU FOLLOWIM OLKETA INSTRUCTION BILONG MIFALA!

AND THANKIU LONG JEHOVAH, MIFALA SEF!

RAHAB KAMAP GRANMAMI BILONG **JESUS CHRIST**. (LUKIM MATTHEW 1:1, 5.) LONG NARA BIBLE STORY WEA GAREM OLKETA PIKSA, IU BAE LANE ABAOTEM **NARA** FAITHFUL WOMAN WEA KAMAP GRANMAMI BILONG JESUS.

### WANEM NAO IUMI LANEM FROM DISFALA STORY?

OLKETA WANEM **INSTRUCTION** NAO RAHAB MAS FOLLOWIM FOR STAP SEF?

**READIM:** JOSHUA 2:14, 18-20.

WHY NAO RAHAB MAS **NO FRAET** FOR FOLLOWIM OLKETA INSTRUCTION HIA?

**READIM:** JOSHUA 2:3, 22.

WHY NAO IU TING HEM IMPORTANT FOR FOLLOWIM **EVRI** INSTRUCTION WEA GOD GIVIM?

**READIM:** DEUTERONOMY 5:29; PROVERBS 3:1, 2.